



Broj: 01-02-32794-4/24
Sarajevo, 14.06.2024.godine

Na osnovu člana 15. stav (1) tačka b) Uredbe o dodjeli transfera neprofitnim organizacijama i pojedincima iz Budžeta Kantona Sarajevo (Službene novine Kantona Sarajevo", broj: 22/21, 13/22 i 21/24), a u vezi sa Odlukom Vlade Kantona Sarajevo o usvajanju Programa utroška sredstava tekućih transfera utvrđenih Budžetom Kantona Sarajevo za 2024.godinu Kabineta predsjedavajućeg i zamjenika predsjedavajućeg Skupštine Kantona Sarajevo ("Službene novine Kantona Sarajevo", broj: 23/24), šefica Kabineta predsjedavajućeg i zamjenika predsjedavajućeg Skupštine Kantona Sarajevo, d o n o s i

U P U T S T V O

za podnosiocе prijave na Javni poziv za finansiranje/sufinansiranje aktivnosti/programa/ projekata neprofitnih organizacija koji su od interesa za građane Kantona Sarajevo ili doprinose razvoju i afirmaciji Kantona i provode se na području Kantona Sarajevo, a u izuzetnim slučajevima koji su od interesa za građane Kantona Sarajevo, a provode se izvan područja Kantona Sarajevo iz Budžeta Kantona Sarajevo za 2024.godinu (u daljem tekstu: Javni poziv), sa razdjela Kabineta predsjedavajućeg i zamjenika predsjedavajućeg Skupštine Kantona Sarajevo (u daljem tekstu: Kabinet).

I PREDMET JAVNOG POZIVA

- (1) Predmet Javnog poziva je finansiranje/sufinansiranje aktivnosti/programa/projekata neprofitnih organizacija koji su od interesa za građane Kantona Sarajevo ili doprinose razvoju i afirmaciji Kantona i provode se na području Kantona Sarajevo, a u izuzetnim slučajevima koji su od interesa za građane Kantona Sarajevo, a provode se izvan područja Kantona Sarajevo iz Budžeta Kantona Sarajevo za 2024. godinu sa razdjela Kabineta.
- (2) Javni poziv se raspisuje sa općim ciljevima obezbjeđenja pristupa i raspolaganja budžetskim sredstvima na principu zakonitog, namjenskog, transparentnog i efikasnog finansiranja/sufinansiranja neprofitnih organizacija iz Budžeta Kantona Sarajevo za 2024.godinu sa razdjela Kabineta.
- (3) Shodno ciljevima iz stava (2) ovog Uputstva prilikom razmatranja pristiglih prijava cjenit će se naročito kvalitet planiranih aktivnosti i metode provođenja koje su usko povezane sa razvojem i afirmacijom Kantona Sarajevo, kao i one prijave koje imaju razrađen i specifičan budžet sa informacijama o ukupnom iznosu finansijskih sredstava potrebnih za provođenje aktivnosti/programa/ projekata, iznosu koji se traži od Kabineta, iznosu koji se za provođenje očekuje ili koji je već odobren od drugih davaoca sredstava (sufinansiranje) ili od drugih donatora, iznosu vlastitih sredstava koje će podnosilac prijave sam uložiti u provođenje projekta, direktne troškove provođenja projekta razrađene po izvorima finansiranja, te indirektno troškove provođenja projekta.
- (4) Projekti/programi/aktivnosti u kojima nema konkretne korelacije između planiranih sadržaja i afirmacije i razvoja Kantona Sarajevo, kao i oni gdje je budžet naveden paušalno, bez razrade i navođenja pojedinačnih stavki neće moći dobiti sredstva na osnovu Javnog poziva.

- (5) Na osnovu ovog Javnog poziva neće se finansirati projekti/programi/aktivnosti onih aplikanata koji nisu opravdali dodijeljena budžetska sredstva i dostavili finansijski izvještaj o namjenskom utrošku budžetskih sredstava u cijelosti za odobreni projekat/program/aktivnost u prethodnom periodu.
- (6) Sredstva za realizaciju tekućih transfera po osnovu Javnog poziva osigurana su u Budžetu Kantona Sarajevo za 2024.godinu na razdjelu Kabineta predsjedavajućeg i zamjenika predsjedavajućeg Skupštine Kantona Sarajevo u ukupnom iznosu od 206.300,00 KM. Obzirom na utvrđene ciljeve, neće se finansirati oni programi/projekti/aktivnosti gdje je iz priloženog budžeta vidljivo da će najveći dio sredstava biti usmjeren ka isplaćivanju naknada voditeljima projekta, edukatorima i sl.
- (7) Ciljna grupa su neprofitne organizacije čije prijave/aplikacije doprinose razvoju i afirmaciji Kantona Sarajevo i provode se na području Kantona Sarajevo, a u izuzetnim slučajevima koji su od interesa za građane Kantona Sarajevo, a provode se izvan područja Kantona Sarajevo.
- (8) Odobrena sredstva za realizaciju troškova programa, projekta ili aktivnosti koristiće se za:
 - a) administrativne troškove maksimalno do 30%
 - b) projektne aktivnosti minimalno 70%.
- (9) Neprihvatljivi troškovi su odnose se na troškove koji nisu predviđeni budžetom projekta korisnika sredstava i na troškove koji su nastali prije odobravanja sredstava po ovom Javnom pozivu.
- (10) Pravila vidljivosti prilikom provođenja programa/projekta/aktivnosti odnose se na obavezu objavljivanja informacije o finansiranim /sufinansiranim aktivnostima/projektu/programu na način definisan ugovorom o dodjeli transfera kroz različite načine (na službenim internet stranicama, putem medija, brošura, konferencija, te publikacija vezanih za određeni program).
- (11) Na osnovu člana 38. stav (4) važećeg Zakona o izvršavanju Budžeta Kantona Sarajevo za 2024.godinu, a u vezi s članom 2. stav (1) tačka f. Uredbe o dodjeli transfera neprofitnim organizacijama i pojedincima iz Budžeta Kantona Sarajevo („Službene novine Kantona Sarajevo", broj:22/21, 13/22 i 21/24), davalac sredstava će uključivanjem načela rodno odgovornog budžeta u Program utroška sredstava i izvještaje o utrošenim sredstvima, omogućiti rodnu ravnopravnost učešća prilikom apliciranja za dodjelu sredstava sa objavom Javnog poziva, vodeći računa na ranjive i marginalizirane kategorije društva pored kvalitete prijedloga projekta i njegovog doprinosa ostvarivanju ciljeva Programa, te će obavezati korisnike tekućih transfera da uključe rodni aspekt prilikom rasporeda sredstava tekućih transfera, kao i prilikom izvještavanja o namjenskom utrošku dodijeljenih sredstava sa pozicije Kabineta.

II PRAVO PRIJAVE, ROK I NAČIN DOSTAVLJANJA PRIJAVE NA JAVNI POZIV

- (1) Pravo prijave na Javni poziv imaju neprofitne organizacije čije aktivnosti /programi/projekti su od interesa za građane Kantona Sarajevo ili doprinose razvoju i afirmaciji Kantona Sarajevo i provode se na području Kantona Sarajevo, a u izuzetnim slučajevima koji su od interesa za građane Kantona Sarajevo, a provode se izvan područja Kantona Sarajevo; neprofitne organizacije koje ispunjavaju opće kriterije po ovom Javnom pozivu; neprofitne organizacije koje su registrovane na području Kantona Sarajevo; neprofitne organizacije koje su dostavile Izvještaj u namjenskom utrošku dodijeljenih sredstava za prethodni period, odnosno neprofitne organizacije koje su uredno ispunile obaveze iz svih prethodno zaključenih ugovora o finansiranju i sufinansiranju iz budžetskih sredstava Kantona Sarajevo.
- (2) Moguće je na osnovu Javnog poziva podnijeti više prijava, odnosno jednom aplikacijom predložiti više projekata/programa/aktivnosti. U tom slučaju može biti prihvaćen samo jedan projekat/program/aktivnost.



- (3) Krajnji rok za podnošenje prijava je **20 (dvadeset) dana od dana objavljivanja Javnog poziva** u dnevnim novinama i na web stranici davaoca sredstava.
- (4) Prijava na Javni poziv sa odgovarajućom dokumentacijom podnosi se u zatvorenoj koverti s naznakom podataka o aplikantu, odnosno podnosiocu prijave, adresa, kontakt telefon i može se predati lično na protokol Kantona Sarajevo ili poslati preporučeno poštom na adresu:

KANTON SARAJEVO
KABINET PREDSEDAVAJUĆEG I ZAMJENIKA PREDSEDAVAJUĆEG
SKUPŠTINE KANTONA SARAJEVO

Komisija za provođenje javnog poziva za dodjelu transfera neprofitnim organizacijama za finansiranje/sufinansiranje programa/projekata/aktivnosti iz Budžeta Kantona Sarajevo za 2024. godinu

Ulica Reisa Džemaludina Čauševića br. 1
71 000 Sarajevo

sa naznakom:

"Prijava za dodjelu transfera neprofitnim organizacijama za finansiranje/sufinansiranje programa/projekata/aktivnosti iz Budžeta Kantona Sarajevo za 2024.godinu

(Ne otvaraj-Otvora Komisija)

Ukoliko se prijava predaje lično na protokol Kantona Sarajevo, za računanje rokova relevantan je dan predaje prijave na protokol, a u slučaju slanja putem poštom, relevantan je datum predaje pošiljke na poštu.

III KRITERIJI ZA DODJELU SREDSTAVA

OPĆI USLOVI (KRITERIJI)

Opći kriteriji utvrđeni su članom 15. Uredbe o dodijeli transfera neprofitnim organizacijama i pojedincima iz Budžeta Kantona Sarajevo("Službene novine Kantona Sarajevo", broj: 22/21, 13/22 i 21/24). Cijeneći navedenu odredbu, Javnim pozivom utvrđena je potrebna dokumentacija kojom se dokazuje ispunjenost općih uslova.

S ciljem izbjegavanja nedoumica prilikom prikupljanja i dostavljanja dokumentacije, ostavlja se mogućnost pojašnjenja u direktnoj komunikaciji sa Kabinetom.

Sastavni dio dokumentacije Javnog poziva su: Obrazac za prijavu projekta za finansiranje/sufinansiranje iz Budžeta Kantona Sarajevo OBR.7.3-02-01/24 sa numerisanim popisom priloga, Obrazac narativnog i finansijskog izvještaja i Izjava ovlaštenog lica podnosioca prijave, a koji će biti dostupni, uz tekst Javnog poziva na web stranici Skupštine Kantona Sarajevo, web stranici davaoca sredstava, a bit će omogućeno i da se lično preuzmu na šalter sali u zgradi Kantona Sarajevo ul. Reisa Džemaludina Čauševića 1, Sarajevo.

Obzirom da je jedan od općih uslova i uredno ispunjavanje svih obaveza iz prethodno zaključenih ugovora o finansiranju /sufinansiranje iz budžetskih sredstava (ili po osnovu ranije dodijeljenih sredstava, ako nisu zaključivali ugovore), utvrđena je obaveza dostavljanja ovjerene izjave o ispunjenju obaveza kako je prethodno navedeno.

Pored ove izjave, Komisija zadržava pravo da izvrši dodatne provjere kako bi utvrdila da li je utrošak sredstava i izvještavanje izvršeno u skladu sa preuzetim ugovornim obavezama.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-044, Fax: + 387 (0) 33 562-210
Web: <http://skupstina.ks.gov.ba>
E-mail: aida.arap@skupstina.ks.gov.ba

POSEBNI USLOVI (KRITERIJI)

Posebni kriteriji utvrđeni su u članu 15. Uredbe o dodijeli transfera neprofitnim organizacijama i pojedincima iz Budžeta Kantona Sarajevo("Službene novine Kantona Sarajevo", broj: 22/21, 13/22 i 21/24). Cijeneći navedenu odredbu, Javnim pozivom utvrđena je odgovarajuća dokumentacija kojom se dokazuje ispunjenost posebnih uslova.

IV POSTUPAK ADMINISTRATIVNE PROVJERE PRIJAVA I ODABIRA PROGRAMA/PROJEKATA/AKTIVNOSTI

(1)Rukovodilac davaoca sredstava, donošenjem rješenja, imenovat će komisiju za provođenje Javnog poziva, u skladu sa članom 16. Uredbe o dodijeli transfera neprofitnim organizacijama i pojedincima iz Budžeta Kantona Sarajevo("Službene novine Kantona Sarajevo", broj: 22/21, 13/22 i 21/24).

(2) U skladu sa članom 11. Uredbe o dodijeli transfera neprofitnim organizacijama i pojedincima iz Budžeta Kantona Sarajevo("Službene novine Kantona Sarajevo", broj: 22/21, 13/22 i 21/24) i na osnovu Rješenja o imenovanju Komisije, a prije početka rada, predsjednik, svi članovi komisije i sekretar potpisat će izjavu o nepristrasnosti, povjerljivosti i nepostojanju sukoba interesa, odnosno da su upoznati sa obavezom da tokom cijelog postupka rada u komisiji prijave mogući sukob interesa i traže isključenje iz rada komisije, sa sljedećim sadržajem:

Ja, _____, kao član/ica Komisije za provođenje Javnog poziva za dodjelu transfera neprofitnim organizacijama za finansiranje/sufinansiranje aktivnosti/programa/projekata iz Budžeta Kantona Sarajevo za 2024.godinu sa razdjela Kabineta predsjedavajućeg i zamjenika predsjedavajućeg Skupštine Kantona Sarajevo objavljenog dana /2024.godine, pod punom moralnom, materijalnom i krivičnom odgovornošću izjavljujem:

- a) da nisam lično i/ili članovi porodice (bračni ili vanbračni drug, dijete ili roditelj) nisu zaposlenici, članovi upravnog tijela ili rukovodioci kod podnosioca prijave;
- b) da nisam povezan/a na bilo koji način sa podnosiocem prijave ni kod drugih lica (partnerski odnos u provođenju programa i projekta i sl.);
- c) da nemam materijalni ili nematerijalni interes u odnosu na javni interes i to u slučajevima porodične povezanosti, ekonomskog, političkog ili drugog zajedničkog interesa;
- d) da se lično i/ili članovi porodice ne nalaze u sukobu interesa;
- e) da nemam ličnih interesa kojima mogu uticati na nepristrasnost rada Komisije čiji sam član;
- f) da ću u obavljanju dužnosti na koju se imenujem postupati časno, pošteno, savjesno, odgovorno i nepristrano;
- g) da ću čuvati povjerljivost podataka i informacija.;
- h) da ću čuvati vlastitu vjerodostojnost i dostojanstvo dužnosti koja mi je povjerena od strane davaoca budžetskih sredstava.

(3) Komisija će postupati shodno članu 17. Uredbe o dodjeli transfera neprofitnim organizacijama i pojedincima iz Budžeta Kantona Sarajevo("Službene novine Kantona Sarajevo", broj: 22/21, 13/22 i 21/24), odredbama rješenja o imenovanju komisije i poslovnika o radu koji se donosi na prvoj konstituirajućoj sjednici Komisije, kao i ostalim relevantnim zakonskim i podzakonskim propisima.

(4) Komisija može pristigle prijave provjeravati i na druge načine koje smatra primjerenim (komunikacija sa drugim organima i slično).



(5) Uz rangiranje prijava, Komisija će ujedno utvrditi i predložiti iznose sredstava koji će se dodijeliti za jedan program/projekat/aktivnost. Komisija izrađuje prijedlog odluke o dodjeli transfera neprofitnim organizacijama na osnovu zbirne liste ocijenjenih prijava.

(6) O cjelokupnom provedenom postupku Komisija će izraditi izvještaj, a o svakoj održanoj sjednici vodit će se zapisnici. Izvještaj sa svim zapisnicima, nakon okončanja poslova i zadataka, dostavljaju se rukovodiocu davaoca sredstava.

V IZJAVLJIVANJE PRIGOVORA

(1) U skladu sa članom 18. Uredbe o dodjeli transfera neprofitnim organizacijama i pojedincima iz Budžeta Kantona Sarajevo("Službene novine Kantona Sarajevo", broj: 22/21, 13/22 i 21/24), podnosioci prijave imaju pravo na izjavljivanje prigovora, osim ako prijava nije odbijena kao nepotpuna, neblagovremena i neuredna, a razlozi zbog kojih se prigovor može podnijeti, način i rokovi za njegovo podnošenje biće objavljeni u tekstu Javnog poziva.

(2) Prigovor se izjavljuje u pisanom obliku, sa pozivom na broj obavijesti i jasnom naznakom razloga zbog kojih se osporava odluka davaoca sredstava.

(3) Prigovor se dostavlja lično na protokol Kantona Sarajevo ili preporučeno poštom na adresu :

KANTON SARAJEVO
Kabinet predsjedavajućeg i zamjenika predsjedavajućeg Skupštine Kantona Sarajevo
Ulica Reisa Džemaludina Čauševića br.1
71000 Sarajevo
Sa naznakom :
"Prigovor na Javni poziv"
(Ne otvaraj)

VI ZAKLJUČIVANJE UGOVORA

U skladu sa članom 19. Uredbe o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo", broj: 22/21, 13/22 i 21/24) propisani su elementi sadržaja ugovora koji je davalac sredstava u obavezi potpisati sa korisnicima sredstava. Ugovorom će se definisati međusobna prava i obaveze ugovornih strana, a posebno način i dinamika korištenja dodijeljenih sredstava, nadzor nad utroškom istih, te neprihvatljivi troškovi, koji se ne mogu finansirati. Svaki ugovor o dodjeli sredstava sa pozicije Kabineta predsjedavajućeg i zamjenika predsjedavajućeg sadrži odredbe kojima se utvrđuje obaveza sa rokovima korisnika sredstava da dostavi narativni i finansijski izvještaj o namjenskom utrošku sredstava doznačenih iz Budžeta na propisanom obrascu.

VII TRANSPARENTNOST I VIDLJIVOST AKTIVNOSTI

U skladu sa članom 20. Uredbe o dodjeli transfera neprofitnim organizacijama i pojedincima iz Budžeta Kantona Sarajevo("Službene novine Kantona Sarajevo", broj: 22/21, 13/22 i 21/24), a s ciljem postizanja ključnih vrijednosti na kojima se pomenuta Uredba zasniva i što je definisano članom 2. ove Uredbe, davalac sredstava objavljuje podatke o dodijeljenim transferima i vrši unos istih u uspostavljene Registre transfera neprofitnim organizacijama iz Budžeta Kantona Sarajevo.



VIII PRAĆENJE PROVOĐENJA AKTIVNOSTI/PROGRAMA/PROJEKATA

U skladu sa članom 21. Uredbe o dodijeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo", broj: 22/21, 13/22 i 21/24) davalac sredstava prati i provodi evaluaciju provođenja finansiranja programa/projekata/aktivnosti u svim fazama dodjele sredstava na načelima proporcionalnosti i rizičnosti. S tim u vezi, davalac sredstava će imenovati komisiju ili osobu za sprovođenje aktivnosti praćenja sa jasno utvrđenim zadacima. U slučaju utvrđenog nenamjenskog trošenja budžetskih sredstava, kao i nedostavljanja izvještaja od strane korisnika sredstava, davalac budžetskih sredstava će u skladu sa zakonskim i podzakonskim aktima, obavijestiti nadležno ministarstvo finansija i budžetsku inspekciju, kako bi se aktivirali mehanizmi povrata sredstava.

IX OKVIRNI KALENDAR PROVOĐENJA POSTUPAKA

U skladu sa Godišnjim planom javnih poziva Kabineta predsjedavajućeg i zamjenika predsjedavajućeg, definiše se se planirano vrijeme objave Javnih poziva. Trajanje samog postupka, prevashodno će zavisiti od broja pristiglih prijava, broja uloženi prigovora, ali i drugih objektivnih razloga. Godišnji plan Javnih poziva biće dostupan na web stranici davaoca sredstava u roku ne dužem od 15 dana od dana usvajanja Programa utroška sredstava.

Napomena:

Svi obrasci i izjave, neophodni za apliciranje na Javni poziv, mogu se naći na web stranici Skupštine Kantona Sarajevo: <https://skupstina.ks.gov.ba/aktuelnosti/javni-pozivi>, web stranici davaoca sredstava: <https://skupstina.ks.gov.ba/kabinet/rad/13>, a mogu se i lično preuzeti na šalter sali u zgradi Kantona Sarajevo ul. Reisa Džemaludina Čauševića 1, Sarajevo.

Za sva eventualna pitanja i pojašnjenja aplikanti se mogu obratiti Kabinetu predsjedavajućeg i zamjenika predsjedavajućeg Skupštine Kantona Sarajevo na tel. 033/562 044 ili 033/562 231.

ŠEFICA KABINETA
Aida Arap,s.r.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-044, Fax: + 387 (0) 33 562-210
Web: <http://skupstina.ks.gov.ba>
E-mail: aida.arap@skupstina.ks.gov.ba